


NOVENA BA INAN MARIA AUSILIADORA (15-23 MAIO 2018)



Introdusaun: Maun-alin sira, ohin ita hahu'u Novena ba Ita Inan Virjem Imaculada Ausiliadora. Hamutuk ho familia salesiana no foinsa'e sira hotu, ita hasa'e Agradese ba Maromak, tan liuhusi Don Bosco nia Liman, harii Basilica Maria Ausiliadora iha Turim. Tinan ida ne'e ita selebra Aniversario 150 anos Consagradasaun Basilica Inan Ausiliadora. Basilika Maria Ausiliadora mak moris husi domin filial Don Bosco nia ba Maromak Nia Inan, no husi ninia aten brani hodi hasoru impreza ida ne'ebe' iha esperienza boot no difisil liu. Don Bosco konvensidu katak Na'i Feto hakarak templu ida ne'e. Nia rasik hatudu ba Don Bosco fatin ne'ebe' atu harii bá, no sertamente nia sei buka meu nesasariu sira atu bele harii konstrusaun. Ba mandór konstrusaun Carlo Buzzetti, ne'ebe' iha tinan 1863 hahu konstrusaun, don Bosco fó ba nia osan moedas walu (8)!

Hodi hare konstrutor ninia hateken ho hakfodak ba osan uituan ne'e, don Bosco dehan ba nia: "Hakmatek ba, Nai Feto sei hanoin atu fó osan nesasariu ba ninia kreda". No ikus nian, sai duni hanesan ne'e, no iha loron konsagrasaun nian, dia 9 Juñu 1868, don Bosco dehan ho harik an iha fiar: "Ha'u lao's autor ba buat kmanek wain ne'e, ne'ebe' imi dehan: Na'i mak halo, Maria Santissima mak halo, ne'ebe' hili atu servi liuhuisi amululik kiak ida, atu kumpre ninia obras sira. Ha'u la tau buat ida ba konstrusaun ne'e. MARIA HARI NINIA UMA RASIK. *Aedificavit sibi domum Maria* [Maria harii ninia uma rasik]. Fatuk ida-idak, ornamentu ida-idak sinál ninia grasa nian» (MB IX, 246-247).

Hahu husi ne'ebá, Maria nia uma ida ne'e sai sai sentru atrasun, iradiasaun fiar nian, ba ema

hotu, no liuliu ba familia salesiana ho foinsa'e sira to'o ohin loron ne'ebe' esperiementa presenza Inan Ida nian, ne'ebe' hadomi, nee'be' simu, ne'ebe' intercede no orienta ba Jesus Nia Oan mane.

Ne'e mak ksolok gratidaun nian, nudar oan sira hotu. Mai ita hahu Novenu loron dahuluk nian ho domin oan sira nian.

15 Maio

Hodi Padre – Liurai Feto Lalehan

Kanta: Maria Ita Inan

Loron dahuluk: MARIA, INAN NO DISIPULA NA'I NIAN, HAROHAN MAI AMI

Leitura: Jesus Nia Inan, Nia inan nia alin katak Maria Cleofas nia fen, ho tan Maria Madalena hamrik besik Jesus Nia Kruz. Hare tiha Nia inan ho eskolante ne'ebe' Nia hadomi hamrik iha Nia sorin, Jesus Liatun ba Nia Inan: "Nai feto O nia oan mak ida ne'e!". Hafoin Nia dehan ba eskolante: "o nia Inan mak ida ne'e!". No Hori oras ne'eba, eskolante simu Maria iha nia uma. (Jo. 19:25-27)

Silensiu

G. Maria Maromak Inan

H. Ita Boot mak Feto predileta; Na'i bolu Ita, atu sai Jesus Nia Inan.

G. Maria Maromak Inan

H. Ita Boot, Inan modelo no diak, eduka Jesus ho domin Inan nian

G. G. Maria Maromak Inan

H. Ita Boot hamoris Jesus hodi realiza obras Espirito Santo nian

G. Maria Maromak Inan

H. Ita Boot mak Kreda nia Inan no ami Inan doben

G. Maria Maromak Inan

H. Akompaña ami hanesan Ita Boot akompaña Jesus.

Kanta: No céu, no céu HbN 388

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i, ami Aman doben no domin nain. Ita Boot hili Maria nudar Inan Ita oan Nia Inan, hodi realiza Ita Nia domin ba ema tomak. Ami harohan ba Ita Boot, atu ami ida-idak bele sai hanesan maria pronto nafatin simu, Jesus iha ami nia fuan, atu nune'e ami bele hamoris Jesus ba mundo ohin ne'e nian, liu husi ami nia laifuan no hahalok. Ami harohan ne'e hodi Na'i Jesus Nia naran hamutuk ho Espirito Santo. Amen

Bensaun Final "Maria Ausiliadora" (bainhira iha amululik

Kanta: HBN 380 Ausiliadora

16 Maio

Kanta: HbN 398 Tu és a Gloria

Loron daruak: MARIA, NE'EBÉ SIMU MAROMAK NIA **PROMESA, HAROHAN MAI AMI.**

Leitura: Lk. 1:26-36

Silensio

G. O Maria Inan sala lae'k

H. Nai Nia Grasa iha Ita Boot wain tebes

G. O Maria Inan sala lae'k

H. Ita Boot, hasa'e dignidade santa ema nian

G. O Maria Inan sala lae'k

H. Tulun ami atu respeito ami nia isin nudar templo Na'i Nian

G. O Maria Inan sala lae'k

H. Tulun ami atu hadook-an husi sala ninia babeur tomak

G. O Maria Inan sala lae'k

H. Harohan ba Jesus mai ami

Kanta: HbN 362

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i maromak kbiit nain no laran luak. Ita Boot prepara Maria nudar fatin kmook ida Ita Oan nian. Tulun ami atu bele banati tuir Maria nia ezemplu: hadook-an naftin husi sala nia ukun, atu nune'e ami bele sai fatin kommok ida ba Ita Oan Jesus Kristo atu horik ba. Ami harohan ne'e hodi Na'i Jesus Nia Naran hamutuk ho Espirito Santo. Amen

Bensaun Final

Kanta: HbN 364

17 Maio

Kanta HbN S - 83

Loron datoluk : MARIA, PREZENZA NAROMAN NO KONFORTADORA, HAROHAN MAI AMI.

Leitura: Jo. 19:25-27

Silensio

G. O Maria Inan terus nain

H. Domin ba Jesus halo Ita Boot entrega –an total ba Na'i

G. O Maria Inan terus nain

H. Ita Boot terus hamutuk ho Jesus iha Ninia terus

G. O Maria Inan terus nain

H. Tulun ami atu brani halo tuir Na'i nia hakarak, iha tempu no fatin hotu

G. O Maria Inan terus nain

H. Hanorin ami atu lalakon esperansa, wainhira terus no moras mai

G. O Maria Inan terus nain

H. hamutuk nafatin ho ha'u iha ha'u nia terus

Kanta HbN

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i Maromak, Kbiit nain no bele hotu-hotu. Ita Boot bolu Maria atu hamutuk ho Jesus iha Nia terus, mate no moris Hias. Ami harohan atu hodi banati tuir Maria nia hahalok, ami bele brani terus ba Ita Boot ninia Evanjelho liu husi Ita Oan Jesus Kristo hamutuk ho Espirito Santo. Amen

Bensaun Final

Kanta: HbN 374

18 Maio

Kanta HbN S - 92

***Loron Da-haat : MARIA, NE'EBÉ LORI KSOLOK NO LARAN- METIN IHA MAROMAK, HAROHAN
MAI AML.***

Laitura: Lk 1: 39-45

Silensio

G: O Maria inan domin nain

H: Ita Boot ninia visita fo kman ba Isabel no ksolok ba João Batista

G: O Maria inan domin nain

H: Ho Jesus Ita Boot haluha kole hodi buka hakmaan ema nia terus

G: O Maria inan domin nain

H: Ho Jesus Ita Boot hatene, sente no pronto atu ajuda

G: O Maria inan domin nain

H: Hanorin ha'u atu pronto no tulun maluk sira ne'ebé precisa

G: O Maria inan domin nain

H: Atu ha'u matan moris no neon nain ba nesesidade ema mukt sira.

Kanta HbN S - 101

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i ami Aman doben. Ita Boot bolu Maria ba Ita Oan no mos ba mundo. Ami harohan no husu tulun ba Ita Boot atu hanesan Maria, ami hamutuk ho Jesus bele pronto serbi no tulun maluk sira ne'ebé precisa no ho brani lori sira ba Jesus ne'ebé dalan, lialoos no moris. ***Ami harohan ne'e hodi Na'i Jesus kristu Nia naran hamutuk ho Espiritu Santu.***

Bensaun Final

Kanta: HbN 380

19 Maio

Kanta S - 102

Loron Da-lima: Maria, tanba ho Espiritu Santu realiza iha ita Maroman Aman Nia planu, harohan mai ami.

Leitura: Actos dos Apostolos, 1:13-14

Silensio

G: O Maria arca aliansa Na'i nian

H: Ita Boot mak arca loloos ne'ebé lori aliansa loos nian, Jesus Kristu

G: O Maria arca aliansa Na'i nian

H: Hanesan arca ne'ebé lori Na'i nia lei nune'e mos Maria lori Jesus

G: O Maria arca aliansa Na'i nian

H: Hanesan Judeu sira venera arca aliansa nune'e mos ita venera Maria

G: O Maria arca aliansa Na'i nian

H: Hanesan Na'i horik iha arca nune'e mos Jesus iha Maria

G: O Maria arca aliansa Na'i nian

H: Tulun ha'u atu sai arca diak ida ba Na'i Jesus atu horik ba.

Kanta HbN 369

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i Maromak Aman laran luak. Ita Boot prepara Maria nu'udar fatin santo no murak mean ba Ita Oan Jesus. Ami harohan hodi Na'i feto nia tulun halo ami sai fatin furak no santo ba Jesus. ***Ami harohan ne'e hodi Na'i Jesus kristu Nia naran hamutuk ho Espiritu Santu.***

Bensaun Final

Kanta: HbN 404

20 Maio

Kanta HbN S - 92

***Loron Da-neen: Maria, ne'ebé iha Kaná mak husu atu Jesus halo milagre ba dala uluk,
harohan mai ami.***

Leitura: Lk. 2:22-32

Silensio

G: O Maria liurai feto família nian

H: Ita Boot no José se tilun ba Na'i nia konvite no halo tuir

G: O Maria liurai feto família nian

H: Ita Boot no José lori Jesus ba Jerusalem atu hanai Maromak

G: O Maria liurai feto família nian

H: Ita Boot no José buka Jesus no lori Nia fila fali ba uma

G: O Maria liurai feto família nian

H: Tulun família sira hotu atu sai santa hanesan Ita Boot nian

G: O Maria liurai feto família nian

H: Atu família hotu bele rona no moris tuir Na'i nia hakarak.

Kanta Maria Ita Inan

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i ami Aman no domin nain. Ita Boot haruka Ita Oan mai iha mundo no moris iha família ida. Husi Maria no José halo ami hatene katak família mak vokasaun ida hodi se tilun nafatin ba Ita nia liafuan atu nune'e domin bele buras no nakonu nafatin. . ***Ami harohan ne'e hodi Na'i Jesus kristu Nia naran hamutuk ho Espiritu Santu.***

Bensaun Final

Kanta: HbN 362

21 Maio

Kanta HbN 379 (2-3)

Loron Da-hitu: Maria, loron matan mundu foun nian, harohan mai ami.

Leitura: Apocalipse 21:1-5

Silensio

G: O Maria inan rosario nian

H: HO Ita Boot ami kontempla misteriu salvasaun Na'i nian.

G: O Maria inan rosario nian

H: HO Ita Boot ami kontempla Na'i nia domin iha enkarnasaun

G: O Maria inan rosario nian

H: Ho Ita Boot ami kontempla Jesus nia terus, mate no moris hias

G: O Maria inan rosario nian

H: Ho Ita Boot ami kontempla ksolok no kmanek lalehan nian

G: O Maria inan rosario nian

H: Halo ami nia moris sai "rosario" ida

Kanta HbN S 101

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i ami Aman laran luak no kbiit nain. Ami agradese Ita Boot tanba bolu Maria atu partisipa iha Ita Oan nia moris. Ami harohan atu hodi banati tuir Maria nia ezemplu ami nia moris mos bele sai rosario ida, hodi kontempla no halo tuir Ita nia hakarak. *Ami harohan ne'e hodi Na'i Jesus kristu Nia naran hamutuk ho Espiritu Santu.*

Bensaun Final

Kanta: HbN 392

Maio 22

Kanta HbN 392

Loron Da-walu: Maria, esperansa kiak sira nian, harohan mai ami.

Leituta Jo. 20:19-21

Silensio

G: O Maria liurai feto dame nian

H: Ita Boot ho kalma no silensiu kontempla Na'i nia hakarak

G: O Maria liurai feto dame nian

H: Ita Boot mak testimonho loos no fiel Na'I nian

G: O Maria liurai feto dame nian

H: Ita Boot ho kalma partisipa iha ita Oan nia terus, mate no moris hias

G: O Maria liurai feto dame nian

H: Ita Boot mosu iha fatin oi-oin konvida ema hotu ba dame no perdaun liu-liu iha ami povo Timor.

G: O Maria liurai feto dame nian

H: Tulun ha'u atu iha fuan hanesan Ita Boot, harii dame loos iha ami nia Nasaun.

Kanta HbN 364

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i ami Aman Maromak. Ita Boot tau iha Maria fuan ida ne'ebé kalma no hatene kontempla Ita Boot nia hakarak. Ami harohan atu ami nia fuan hanesan Maria nian. Atu nune'e bele kontempla ho kalma Ita Boot nia hakarak iha ami nia moris lor-loron. *Ami harohan ne'e hodi Na'i Jesus kristu Nia naran hamutuk ho Espiritu Santu.*

Bensaun Final

Kanta: HbN 383

23 Maio

Kanta

Loron Da-sia: Maria, prezensa harohan na'in, harohan mai ami.

Leitura: Jo. 2:1-8

Silensio

G: O Maria Virjem Santa no kbiit nain

H: Harohan mai ami

G: O Maria defensora boot no kmanek Igreja nian

H: Harohan mai ami

G: O Maria tulun sarani iha luta kontra sala no inimigo sira

H: Harohan mai ami

G: O Maria ksolok iha ami nia oras atu mate

H: Harohan mai ami

G: O Maria tulun sarani sira nian.

H: Harohan mai ami

Kanta

Ami Aman, Ave Maria, Gloria, Salve Liurai Fero (3x) Maria sarani sira nia Tulun (3x)

Orasaun saran-an Ba Maria Ausiliadora

Na'i ami Aman doben no laran luak. Ita Boot haraik mai ami, Maria tulun nain sarani sira nian. Tulun ami, Na'i atu prezensa Maria Ausiliadora bele guia ami no anima ami atu sai nafatin sinal no testimonho domin Ita Boot nian ba mundo. *Ami harohan ne'e hodi Na'i Jesus kristu Nia naran hamutuk ho Espiritu Santu.*

Bensaun Final

Kanta: HbN S - 48

Consagração ba Nai feto Maria Ausiliadora

Ó Maria Santíssima, Nai Feto Ausiliadora

Ha'u has'e ha'u-an ba Ita Boot,

Ha'u has'e ha'u nia hanoin,

Atu nune'e ha'u bele hadomi Ita Boot.

Ha'u ha'sa'e hau nia nanal, atu bele hah'i Ita Boot.

Ha'u hasa'e ha'u nia fuan,

atu nune'e ha'u an tomak, Ita Boot nian.

Simu ha'u ba, Ó Inan Santa,

Iha problema no susar moris loro-loron nian, proteje ha'u!

Iha ha'u nia nesisidade temporal no espiritual, tulun ha'u!

No liuliu iha oras ha'u atu mate, haraik bensaun mai ha'u!

Hametin ha'u nia fiar,

atu ha'u bele hadomi Maromak hanesan Ita Boot hadomi,

atu nune' iha loron ida,

ha'u bele hamutuk ho Ita Boot, Inan doben,

iha Reino lalehan hodi haksolok

ho Jesus ne'ebe' iha Aman no Espirito Santo. Amen

Boas Festa Inan doben

Maria Imaculada Ausiliaadora

Parabens Familia Salesiana, **especial ba FMA hotu!**

150 anos Consagrasaun Basilika Maria Ausiliadora

Torino